



ISTRAGE **Perica Stanić**, direktor **SIPA-e**, za "Dnevni avaz"

Čim stigne nalog Tužilaštva, Rajko Vasić bit će ispitan!

SIPA za sada dobila naredbu da skine status Vasića, novinarka Prašović-Gadžo dala iskaz • Ne smiruju se osude skandalozne objave

Perica Stanić, direktor **Državne agencije za istrage i zaštitu (SIPA)**, rekao je za "Dnevni avaz" da se **SIPA** uključila u provjere koje se odnose na tweet Rajka Vasića, člana Glavnog odbora Saveza nezavisnih socijaldemokrata, koji je objavio sraman status u vezi s genocidom u Srebrenici.


Prema Stanićevim riječima, **SIPA** je za sada samo dobila nalog da skine tweet koji je objavio Vasić. Za sve ostalo nadležno je Tužilaštvo BiH, pojasnio je Stanić.

Predmet formiran

- Čim dobijemo nalog da se Vasić ispita u **SIPA-i**, on će i biti ispitan. Do sada ga nismo dobili - rekao je Stanić za "Avaz".

Podsjećamo, Tužilaštvo BiH već je objavilo da će izvršiti provjere u vezi s Vasićevim porukama.

Nezvanično saznajemo



Vasić: Objavio pa izbrisao status

da je već formiran predmet i određen tužilac na ovom slučaju.

Sanela Prašović-Gadžo, novinarka koja je među prvima reagirala na Vasićev status, pozvana je jučer u **SIPA-u** kako bi dala iskaz. O



Prašović-Gadžo: Pohvalila rad SIPA-e

tome je obavijestila javnost u statusu na Facebooku.

- **SIPA**. Radi! Dobila sam poziv od inspektora iz ove državne policijske agencije sa molbom da pristupim i dam iskaz kao svjedok u slučaju tvita Rajka Vasića i moje reakcije. I odmah sam touradila - navelaje.

Ona ističe da je svojom javnom objavom Vasić nedovoljno izazvao uznemirenost građana, a može se shvatiti i da je zaprijetio novim genocidom...

- Za sve to Rajko Vasić može krivično odgovarati prema Krivičnom zakonu BiH, član 145a. Ja sam dala iskaz zašto sam reagirala. Zašto sam bila uznemirena - dodala je.

Ističe da je postupila kao osoba koja voli svoju domovinu BiH, u kojoj su 11. jula 1995. u Srebrenici na najbrutalniji način u presuđenom i dokazanom genocidu ubijena 8.372



Stanić: Već radimo na slučaju

građana BiH.

- Niko nema pravo likovati nad tim, bahatiti se niti prijetiti novim genocidom! Niko nema pravo prizivati u Bosni i Hercegovini novi genocid - napisala je Prašović-Gadžo i pohvalila aktivnosti **SIPA-e** na ovom slučaju.

Kazna do tri godine

Objasnila je i da se član 145a odnosi na izazivanje nacionalne, rasne i vjerske mržnje, razdora i netrpeljivosti (Krivični zakon BiH, "Službeni glasnik BiH", br. 3/03, 32/03, 37/03, 54/04, 61/04, 30/05, 53/06, 55/06, 32/07, 8/10).

- Ko javno izaziva ili raspiruje nacionalnu, rasnu ili vjersku mržnju, razdor ili netrpeljivost među konstitutivnim narodima i ostalima, kao i drugima koji žive ili borave u BiH, kaznit će se kaznom zatvora od tri mjeseca do tri godine - navela je Prašović-Gadžo. **M.AŠČIĆ**

Vigemark osudio slavljenje ratnih zločina ili genocida

Ambasador Lars-Gunnar Wigemark (Gunnar Wigemark), specijalni predstavnik i šef Delegacije Evropske unije u BiH, osudio je jučer Vasićeve tvitove.

- Slavljenje ratnih zločina ili genocida u suprotnosti je s vrijedno-



Vigemark: Kažnjiva prijetnja

stima koje su se lideri i institucije ove zemlje obavezali poštovati i promovirati samim apliciranjem za članstvo u EU. Povrh toga, javno prijetiti genocidom ne samo da je za svaku osudu nego je i zakonski kažnjivo - rekao je Wigemark.